

Tusarniaavigineqartunut

Færdselsstyrelsen
Sorsigvej 35
6760 Ribe

Telefon: 7221 8899
E-mail: info@fstyr.dk
Web: www.fstyr.dk

Sagsnr.: 2026-1570219
31-07-2026

Kalaallit Nunaanni qamutit motorillit pisatsersugaanerat aamma atortui pillugit nalunaarummut missingiut pillugu tusarniaaneq

Matumuuna Kalaallit Nunaanni qamutit motorillit pisatsersugaanerat aamma atortui pillugit nalunaarummut missingiut tusarniaatitut Færdselsstyrelsenimit nassiunneqarpoq.

Ulloq 31. august 2026 tusarniaanermut killigitinneqarpoq

Kalaallit Nunaannut, larvefodilinnik aamma saneqqamikkut ersiutunik qullilinnik ATV-nik maleruagassiuineq ilaatillugu, isumannaassutsimik misissuisarnermik aqqissuussamik pilersitsinerup ilaatut, Kalaallit Nunaanni qamutit motorillit pisatsersugaanerat aamma atortui pillugit nalunaarut pingaarnertut allanngortinneqassaaq.

Tamatuma saniatigut aqqusinikkut angallannermi isumannaallisaanermik pitsanngorsaaniisaq siunertaralugu ilaatillugit saneraatigut assiaqusersuutit pillugit pi-umasaqaatinut ilassutunik, angallattunik aqitsunik soorlu inunnik pisuinnarnik, cykel-ertunik, knallertertunik il.il., illersuineq annertusarniarlugu aammalu assakaasut allaasa itissusaannut pi-umasaqaatit sukatarniarlugit naligiissaarinernik ataasiakkaanik suliaqartoqarpoq.

Kiisalu nalunaarummut missingiut nutaamik atuutilersitsinertut suliaavoq, taamaalilluni nalunaarut katitigaq, siumungaaq qarasaasiakkut, ilaatigut lovtidende.dk -mi aamma nalunaarutit.gl -mi takuneqarsinnaallutik. Motorcykelit pillugit kapitalip peerneqarneranik, ullorlu 1. juli 1980 sioqqullugu Kalaallit Nunaannut eqqunneqartunut imaluunniit

Kalaallit Nunaanni sananeqartunut motorcykelinut ikaarsaarnermi aalajangersakkamik taarserneqarneranik tamanna nassataqarpoq.

Erseqqissaatigineqassaaq nalunaarummut missingiutip qallunaatuani, nalunaarut atuut-toq eqqarsaatigalugu, imarisaatigut allannguutit, allannguiffiusut nalunaaqutsigaatillugit ersersitaammata.

Kalaallit Nunaanni qamutit motorillit pisatsersugaanerat aamma atortui pillugit nalunaarut, kingusinnerusukkut amerlanngitsunik malitsigititanik allannguuteqarluni, 1979-imeersuuvoq. Taamanerniilli qamutitut motorilinnut atortorissaarutitigut susassaqarfimmi annertuumik ineriartortoqarsimanera Færdselsstyrelsenimit eqqumaffigineqarpoq, nalunaarummillu iluarsaassinissamut annertunerusumut malitsigitinneqartussamut atatillugu isumassarsianik tunniusserusuttoqassappat iluarissaqalugit. Tusarniaanermut akissummik tunniussinermut atatillugu, email-ikkut immikkoortitakkut imaluunniit immikkoortillugu allakkiatut kakkiussatut, isumassarsiat tunniukkusutat taamaattut immikkoortillugit nassiunneqaqquneqarput. Nalunaarummik misissueqqissaarnissaq 2027-ip sisamararterutaata (kvartaliata) siulliup ingerlanerani aallartinneqassasoq naatsorsuutigineqarpoq.

Nalunaarutip imarisaanik itisilerineq

1. Motorcykelit

Motorcykelinik eqqussuinnermut aamma sanaartornermut inerteqquneqarneq pillugu Kalaallit Nunaannut inatsisikkut nr. 186, 14. maj 1980-meersukkut, Kalaallit Nunaanni motorcykelinik eqqussuineq aamma sanaartorneq inerteqqutaalerpoq.

Tamanna tunulequtaralugu Motorcykelit pillugit kapitali, nalunaarummut missingiummi ilaajunnaarsinneqarpoq.

Tamanna tunulequtaralugu Motorcykelit pillugit kapitali, nalunaarummut missingiummi ilaajunnaarsinneqarpoq. 1. juli 1980 sioqqullugu, Kalaallit Nunaannut eqqunneqartunut

imaluunniit Kalaallit Nunaanni sanaartorneqartunut, motorcykelinut maleruagassat maannamut atuuttut ingerlatiinnarneqarnissaat pisariaqartinneqartoq nalilerneqarpoq. Tamanna nalunaarummut missingiummi § 48, imm. 3-tut ikkunneqarpoq.

2. Oqaatsitigut naligiissaanerit

§ 1, nr. 1-imi, oqaaseqatigiiliorneqarneq allanngugaavoq, taamaalilluni 400 kg.-nik oqi-maassutsimut piumasaqaat taamaallaat qamutilinnut motorilinnut pingasunik assakaas-ulinnut tunnganera erseqqissarneqarluni.

Taanna § 33, imm. 1-imi oqaaseqatigiit aappaat, § 39, imm. 1-imi oqaaseqatigiit aap-paannik atuuttuusumik oqaaseqatigiiliueqqinneruvoq, oqaasertalersornerisalu nutarter-neqarnissaannik siunertaanut tunulequtaalluni.

3. Qamutit motorillit larvefodillut

Nalunaarummut missingiummi § 6, imm. 1, aamma § 19, imm. 1 aamma 2 aqqissugaa-pput, taamaannerani § 7, imm. 4 piiarneqarluni taamaalilluni nalunaarut siumungaaq ATV-iinik larvefoditalinnik imaqarsinnaalerluni.

§ 7, imm. 4-p piiarneqarneranut atatillugu, ATV-t ingerlaarnermi unissaammik aam-malu uninnganermi unittaammik ataatsimoorussamik piligaammata erseqqissaatigi-neqassaaq. Bil-it pillugit kapitali 3-mi aalajangersakkanut ATV-t ilaatigut ilaatinneqas-sammata, § 7, imm. 4 piiarneqarpoq.

Allannguutitut siunertaasoq tassaavoq, Kalaallit Nunaanni qamutit motorillit pisatsersu-gaanerat aamma atortui pillugit nalunaarut, siunissami ATV-nik larvefodilinnik imaqas-sasoq, taamaattumillu Færdselsstyrelsen-ip ATV-nik larvefodilinnik isumannaassutsi-mik misissuisarnissaanut teknik-kikkut tunngaviliisinnaanngorluni.

ATV-t larvefodillit, sumut atugaanerat apeqqutaalluni, nalunaarummut missingiummi kapitali 3-mi bilinut maleruagassanut soorluttaaq nalunaarummut missingiummi kapitali 5-mi traktorinut maleruagassanut ilaatinneqarsinnaassasut, taakku allannguutit siun-nersuutaasut, nassatarissavaat.

4. Snescooterit

§ 32 atuuttoq malillugu snescooterit, ingerlaarnermi unissaammik (driftbremse-mik) aammalu uninnganermi unittaammik (parkeringsbremse-mik) ataatsimoorussamik atortoqaqqusaanngillat. Snescooterit ullutsinni ataatsimoorussanik atortoqarmata, § 7, imm. 4-mut innersuussutitaata peerneqarneratigut, nalunaarummut missingiummi § 25-mi allanngortinneqassasoq siunnersuutigineqarpoq.

Tamatuma saniatigut, sanguffissamut nalunaarutit ikittaqattaarutit, qulliit pujorsitutit, sanaasa killinginut qulliit, ilassutitut qulliit sumiiffissutit- aamma tunuani qulliit, uteriarsornermut qulliit aamma qulliit sullisit siunissami snescooter-inut pisatsersuutigineqarsinnaanerannut akuersisummik nalunaarummut missingiummi § 27, imm. 2-mi aalajangersakkamik nutaamik ikkussisoqarpoq.

Kiisalu, siusinnerusukkut Motorcykelit pillugit kapitalimi aalajangersakkani pi-umasaqaatinut ingerlaavartumik innersuussisoqartarmat, snescooterit pillugit kapitalimi kingunerititatut allannguutinik arlalinnik suliaqartoqarpoq. Piumasaqaatit tamakkua allanngunngillat, kisianni, Motorcykelit pillugit kapitalip piiarneqarnerata malitsigisaanik nuunneqarlutik, maannalu nalunaarummut missingiummi §§ 27 aamma 28-mi snescooterit pillugit kapitalimi, toqqaannartumik ersillutik.

5. Saneraanut ersiutit qulliit

Kalaallit Nunaanni qamutit motorillit atortui aamma pisatsersugaanerata pillugu nalunaarut malillugu, qamutit motorillit peqqusissutaasunit imaluunniit akuerisaasunit qullernit aamma refleks-init aaqqissuussanit allaanerusunik peqartinneqaqqusaanngillat. Nalunaarummi § 3, imm. 3 atuuttoq malillugu taamaappoq, tamannalu allanngortinnagu nalunaarummut missingiummi ingerlateqqinneqarluni.

Taamaattumik taakkuninnga § 10, imm. 5, aamma § 43, imm. 3-mik siunnersuutigineqartunik, bil-it aamma kalittakkat sungaarujuttunik qullernik saneraasigut ersiutunik qullernik peqartinneqarsinnaanerata akuersissutigineqarpoq.

Tamatuma saniatigut saneraatigut ersiutitut qulliit § 15, imm. 1-imut ilanngunneqarpoq. Bil-it ataatsimut isigalugit taakku saneraatigut ersiutininik qullernik pilerneqarsimappata, naligiimmik amerlassusilinnik saneraatigut ersiutininik qullernik peqartinneqassasut, tassani erseqqissaatigineqarpoq.

6. Saneraani refleksit

Nalunaarummut missingiummi § 12, imm. 2, aamma § 33, imm. 2-mik, sanerarmiut refleks-it pillugit piumasaqaatit annertusineqarput, taamaalillutik bilit aamma atortut motorillit, 6 meterinik qaangiisut, siunissami saneqqamikkut illugiissillugit minnerpaamik marlunnik sungaartunik sanerarmiunik refleksinik pilerneqartassallutik. Nalunaarummi maanna atuuttumi, aatsaat 8 m.-i qaangeqqagaangassuk, saneraatigut refleksit pillugit piumasaqaatinut ilaatinneqartalarput.

Aqqusinertigut angallannermi isumannaallisaanerup pitsaanerulersinneqarnissaa, annertusaanerup tamatuma tunulequttatut siunertaraa.

7. Assakaasut qalequtaasa allaasa itissusaat

Nalunaarummut missingiummi § 19, imm. 2-mik, assakaasut qalequtaasa allaasa itissusaat 1,0 mm-miit 1,6 mm-mut minnerpaaffittut piumasaqaatitaa annertusineqassasoq siunnersuutaavoq. Naligiissarineq tamanna, aqqusinertigut angallannermi isumannaallisaaneq eqqarsaatigalugu suliarineqarpoq.

8. Saneraatigut assiaqusersuineq

Nalunaarummut missingiummi §§ 21 aamma 45-mik, bil-inut akuerisaasumik 3.500 kg sinnerlugit tamakkiisumik oqimaassusilinnut aammalu usinik assartuinissamut pisat-sersugaasunut kalusiuttakkanut akuerisaasumik 3.500 kg sinnerlugit tamakkiisumik oqimaassusilinnut talerpiata tungaagut saneraatigut assiaquteqarneq pillugu piumasaqaat ikkunneqarpoq.

Inuinnarnut angallattunut isumannaallisaanerup qaffannissaa, saneraatigut assiaqusersuineq pillugu piumasaqaatinik ilassusiinerup siunertaanut tunulequtaavoq.

Saneraatigut assiaquersuinnermut piumasaqaatit aalajangersakkt, ilaatigut, saneraatigut assiaquersuineq pillugu qallunaat maleruagassiaannut tunngavigineqartut FN-regulativ 73 aallaavigalugu suliarineqarput. Piumasaqaatit piuminarsagaapput, taamaalillutik EU-meersut qamutit motorillit kisimiinnatik piumasaqaatinik naammassinnittuulersut kisianni aammattaaq qamutit motorillit niuffaffinniit allaneersut, piumasaqaatinik naammassinnilersillugit imaluunniit piumasaqaatinut naapertuutilersikkuminarlutik.

9. Knallertit

Nalunaarummut missingersuummik knallertit immikkut kapitalilernerqarput.

Oqartussaasutut type-nik akuersissuteqartutut akuerisaasutut kisiartaasutut Inatsiseqarnermut ministeeria (Justitsministeriet) nalunaarummut missingiummiit peerneqarpoq siunissamilu knallertit type-mikkut oqartussa qarfirmmit ataatsimit akuerisaaginnartalissallutik. Knallertit type-mikkut akuerisaasut, tamatumani type-mikkut akuerisaanerat meqqilerneqarsimanerisigut ersittassalluni, taannalu nalinginnaasumik takuneqariaannaasumi saaniini inissisimatinneqartassaaq.

Siunnersuutaasumi § 35-mi, knallertit aquutaannut piumasaqaatit atuarneqarsinnaapput. Piumasaqaatit taakku allanngortitaanngillat kisianni, Motorcykelit pillugit kapitalip peerneqarnerata malitsigisaanik nuunneqarlutik, maannalu knallertit pillugit kapitalimi toqqaannartumik takuneqarsinnaallutik.

Aammattaaq siunnersuutigineqartumi § 36-imi, Motorcykelit pillugit kapitalip peerneqarnerata malitsigisaanik, kingunerititatut allannguutininik suliaqartoqarpoq, tamatuma saniatigut § 13-i malillugu piumasaqaatit, aalajangersami toqqaannartumik allassimalerput. Siunissami knallertini pingasunik assakaasulinni tunuani qulliit aamma tunuani refleks-it assigiinnissaannik piumasaqaatinik aalajangersaasoqassasoq nutaanerpaatut siunnersuutigineqarpoq.

Siunnersuutigineqartumi § 38-imi, knallertit ingerlaarnermi unittaataannut piumasaqaatit takuneqarsinnaapput. Tamatumunnga piumasaqaatit, siornatigut § 23-mi aamma § 7, imm. 1 aamma 2-mi takuneqarsinnaasimagaluarput. Assakaasumut

tunorlermut unittaat angallatip assakaasullip talerpiata tungaaniit tutisakkamik atugari-neqarnissaa pillugu piumasaqaat, teknikkikkut nutaanngilimmat, imarisaatigut naligiissaarinermik suliaqartoqarpoq, tamatuma malitsigisaanik ingerlaarnermi unit-taammik agguataarinermut piumasaqaat peerneqarluni.

Siunnersuutigineqartumi § 39-imi knallertit uninnganermi unittaataannut piumasaqaatit takuneqarsinnaapput. Piumasaqaatit tamakkua allanngortinneqanngillat, kisianni Motor-cykelit pillugit kapitalip piiarneqarnerata malitsigisaanik nuunneqarlutik, taamaalillutik knallert-it pillugit kapitalimi toqqaannartumik maanna takuneqarsinnaallutik.

10. Kalittakkat qullilersugaanerat

Nalunaarummut missingiummi § 43-mi naligiissaarinermik, siunissami piumasaqaataa-juaannassasoq kalittakkat tunuanni ikittaqattaarutininik aamma unissarnermut qullernik pilerneqartassasut siunnersuutaavoq. Allanguinermit siunertaasoq tassaavoq aqqu-sinertigut angallannermi isumannaallisaanerup qaffassarnissaa.

Inuussutissarsiornermut aammalu innuttaasunut aningaasaqarnikkut kingunissai

Nalunaarummut missingiut, inuussutissarsiornermut aamma innuttaasunut, anin-gaasaqarnikkut kinguneqartoq, Aqqusinertigut angallannermit Aqutisoqarfimmit (Færdselsstyrelsen-imit) nalilerneqarpoq.

6 m-it aamma 8 m-it akornanni takissusilinnut bil-inut aamma sakkunut motorilinnut piginnittuusut, siunissami saneraatigut refleksit pillugit piumasaqaammut ilaatinneqalis-sapput, tamannalu saneraatigut refleksinik pisatsersugaariinngitsunut bil-inut aamma sakkunut motorilinnut ikaarsaarnermut aningaasartuutinik nassataqassalluni. 6 m-it sin-nerlugit takissusillit bilit aamma sakkut motorillit amerlanerpaat saneraatigut refleks-inik pisatsersugaareertartut nalilerneqarpoq, taamaattumillu qamutit motorillit ikittut at-torneqarnissaat naatsorsuutaalluni.

Bil-inik piginnittut, assakaasut qalequtaasa allaasa itissusaannut minnerpaamik pi-umasaqaammik annertusisamit aningaasartuuteqarnerulissasut nalilerneqarpoq,

maleruagassamik allannguinnermik bilinik piginnittut nalinginnaasumik assakaasut qalequtaannik siusinnerusukkut taarsersuisalernissaat naatsorsuutigineqarmat.

3.500 kg-it sinnerlugit akuerisaasumik tamakkiisumik oqimaassusilinnut bil-inut aamma 3.500 kg-it sinnerlugit akuerisaasumik tamakkiisumik oqimaassusilinnut usinik assartuinnissamut pisatsersugaasunik kalittakkanut piginnittut, talerpiata tungaagut saneraatigut assiaquteqarnissaq pillugu piumasaqaammut ilaatinneqarput. 1.700-t aamma 2.000-it akornanni amerlassusillit qamutit motorillit saneraatigut assiaquteqarnissaq pillugu piumasaqaammut ilaatinneqarput nalilerneqarpoq. Tamakkua qamutit motorillit ilaat amerlanerusut saneraatigut nalunaarummi piumasaqaammut naammassinnittumik assiaqusersugaareerput. Taamaattoq qamutitut motorilinnut saneraatigut assiaquteqannigitsunut imaluunniit saneqqamik kut assiaqusersornerat piumasaqaatinik naammassinninngitsunut ikaarsaarnermi aningaasartuuteqassaaq.

Kiisalu, tunuagut sangulernermi ikittaqattaartartunik qullernik aamma unissarnermi qullernik pilerneqarsimanngitsunut kalittakkanut ikaarsaarnermi aningaasartuuteqarumaarpoq. 500-t aamma 600-t akornanni amerlassusillit kalittakkat, piumasaqaammut ilaatinneqartut nalilerneqarpoq. Taakkunannga amerlasuut, tunuagut sangulernermi ikittaqattaartartunik qullernik aamma unissarnermi qullernik pilerneqareersimapput. Taamaattoq tunuagut sangulernermi ikittaqattaartartunik qullernik aamma unissarnermi qullernik pilerneqarsimanngitsunut kalittakkanut ikaarsaarnermi aningaasartuuteqarumaarpoq.

Suliap ingerlaqqinnera

Nalunaarut ulloq 1. januar 2027 atuutilersinneqassasoq siunnersuutaavoq.

Oqaaseqaataasinnaasut kingusinnerpaamik ulloq 31. august 2026, una nalunaaqutsiullugu j.nr. 2026-1570219, Aqutsisoqarfiup pingaarnertut mail-ianut “info@fstyr.dk, unalu ilanngullugu (cc-eerlugu) sbre@fstyr.dk” nassiunneqassasut, Aqqusinertigut Angallannermut Aqutsisoqarfimmit noqqaassutigineqarpoq.


Missingiummut apeqqutissaqartoqaruni Steffen Bredgaard-imut, mail-imut sbre@fstyr.dk imaluunniit uunga info@fstyr.dk saaffiginnissutigineqarsinnaavoq.

Tusarniaavigineqartut allattorsimaffiat ilanngunneqarpoq.

Aqqusinertigut Angallannermut Aqutsisoqarfimmit tusarniaanerit tamanut ammasuusarput tamatumunngalu soqutigisalinnit tamanit tusarniaanermut akissutit tunniunneqartarsinnaallutik. Naak tusarniaanermut peqataasut allattorsimaffianni ilaangikkaluaraaniluunniit, tamanna aammattaaq atuuppoq.

Tusarniaanermut akissutit, atuutilersinneqarnerisa kingorna, Tusarniaanermut Nittartakkakut tamanut saqqummiunneqarumaarput. Tusarniaanermut akissutitik tunniussinermi, tusarniaanerup naammassinerata kingorna, pineqartup tusarniaanermut akissutai attavigineqarnissamullu paasissutissat ilanngullugit nassiunneqartartut tamanut saqqummiunneqarsinnaanerinit akuersissutigineqartarpoq.

Kalaallit Nunaannut nalunaarutit atuutilersitat, Lovtidende-mi tamanut saqqummiunneqassapput. Aammattaaq Aqqusinertigut Angallannermut Aqutsisoqarfiup nutaarsiasanik allagarsiivia maleruagassat atuutilersinneqartut pillugit paasissutissanik imaqartarpoq. Nutaarsiassanik allagarsiivimmut allatsinneq, Aqqusinertigut Angallannermut Aqutsisoqarfiup nittartagaatigut pisinnaavoq.

Inussiarnersumik inuulluaqqusillunga

Steffen Bredgaard
Specialkonsulent
Køretøjsteknik